

三帖和讚觀海篇

四



108

57

館書圖京東				
四	五	六	七	八
冊	號	架	函	類

三帖和讚觀海篇第四

石泉 釋 僧叔撰



示正依經意訖之于上此下第二以傍依助顯正依於中

一彌陀和讚二現世利益和讚三大勢至菩薩和讚

陀和讚三一立題標數二讚文三結今初

諸經者所詮和讚即是能詮所詮中初則能讚法彌陀是其

所詮事諸經該指一代後讚現世益及大勢至亦據諸經則此

二字義通乎下二章而總別為異此則總依一代彼則別依二

經故依一代者文內所出雖不過三四部而舉少攝多故云

口ニヨルトハ由潛通佛意故謂如來出興于世正意唯欲說彌

陀本願如諸經中說隨宜法此事隱而不見而正意常通其所

期者不處、不有譬如大海潛入地中山河陵谷城邑聚落无處、不海水據佛意以開之得為一代諸經咸演說阿彌陀如來本願力也此與黑谷論傍明往生經取之於其見于文者意自不同也彌陀トハ本願成就盡十方無碍光如來圓滿衆生往生淨土因果功德爲遍法界之眞實大歸依也此下三章助顯上三經之義於中今章助顯小經之義謂化文類歎小經云斯經大乘修多羅中之无問自說經也爾者如來所以興出於世恒沙諸佛證護正意唯在斯也口傳鈔云小阿彌陀經ハサキノ機法ノ眞實ナアラハス二經ヲ合說シテ不可以少善根福德因緣得生彼國トヲトケリ無上大利ノ名願ヲ一日七日ノ執持名号ニムスヒト、メテコ、ヲ證誠スル諸佛ノ實語ヲ顯說セリ
コレニヨリテ世尊說法時將了トヲ釋 光明寺 シマシマス一代ノ說經ムシロナマキシ肝要イマノ彌陀ノ名願ヲモテ付屬流通ノ

本意トスル條文ニアリテミツヘシ經有兩途約釋迦及諸佛辨者可兒而上小經讚廣約十方諸佛明通同證護今則還約此方釋迦以五時施設推本今經結歸之意開顯一代秘密以明今佛出興正意也助顯之意可知

二讚文二一重述小經立開諸經意二正開顯述諸經意
 初中三一歎所讚佛德

無明ノ大夜ヲアハレミテ止安養界ニ影現スル 首書嘗解望冥記等引新華嚴第二爲此文之據者如方軌評而方軌主以此下二首據大乘同性經者此亦不然此中辨報化之別義無關係故今謂此之一首假語於讚彌陀偈建章而意述小經解彌陀名義文者也經言彼佛光明無量照十方國無所障碍是故号爲阿彌陀偈云法身光輪徧法界照世盲冥故頂禮無明ノ大夜トハ經曰十方國偈曰法界亦曰世盲冥無明是

法大夜其喻諸佛所顯法性眾生則全爲無明於法實相不知不覺全無所見故此諸大夜由無明故苦患無已生死無際法事讚云娑婆六道非安處冥々長夜闇中行聖化同居不相識動生瞋毒鬪無明爲此無明繫六道愛憎高下何時平既無善業排生死由貪造罪未心驚狂此人皮裏驢骨三塗自入不須爭方軌引註讚歎門釋叙曰彼所云無明別指不了佛智疑情非今所取也アハレミテトハ法藏菩薩所發起超世大慈悲心其相如註釋清淨功德中等此一句先辨願心經文雖不別明願心而其遍照光明本是大經所說此果常不離因故法事讚云彼佛從因行苦行等法身等トハ次明願心所成果法身謂方便法身以修顯性酬願度生爲方便故光輪法喻並舉光明智而卽悲比之有如輪具圓滿運轉摧滅等義故云光輪キハモナクトハ經言無量照十方國偈言徧法界論主曰之盡十方無

碍光トハ經言無所障碍偈言照世盲冥今則連上成盡十方無碍光也シメシテソトハ全鉢爲名名卽鉢故名号之所以爲不可思議功德也安養等トハ上經文言從是西方過十万億佛土有世界名曰極樂其土有佛号阿彌陀今現在說法等安養之名出乎大經往觀偈今以彼替此彼是此之異号故文意云極樂トマフスハカノ安樂淨土ナリヨロツノタノシミツチニシテクルシミマシハラサルナリカノクニナハ安養トイヘリ曇鸞和尚ハホメタテマツリテ安養トマフストノタマヘリ等影現トハ方軌云云夫無上佛遍一切處無色無形卽是通然無寄有底所依處可以指示但是爲隨機故無色無形而示現名相爲大夜之燈炬無寄無依而在西方以攝衆生眞不可思議之至矣也盡十方無碍光正報佛身安養是其依報國土如此依正成從哀愍無明大夜斯謂三種成就願心莊嚴是阿彌陀如來超世功德而所讚之實義

也文意云シカレハ佛ニツイテ二種ノ法身マシマスヒトツニハ法性
法身トマフスフタツニハ方便法身トマウス法性法身トマウスハイ

ロモナシカタナモマシマスシカレハコ、ロモオヨハスコトハモタヘタリ
前文
樂ヲハ滅度トイフ無爲トイフ安樂トイフ常樂トイフ實相トイフ法身ト
イフ法身トイフ眞如トイフ一如トイフ佛性トイフ佛性スナハチ如來ナ
リコノ如來微塵世界ニミチクテマシマススナハチ一切群生海ノ心ニ
ミチタマヘルナリ草木國土コトクシタミナ成佛スト、ケリ當知法性生
佛同躰者而果後所證不過顯之所以上佛爲安養眞證也而在衆
生則全爲不覺無明之外無復可見者故乃爲彌陀大悲哀愍之境
如ヨリカタナアラハシテ方便法身トマフスソノ御スカタニ法藏比

丘トナノリタマヒテ不可思議ノ四十八ノ大願ヲオコシアラハシタ
マフナリ 今文云 ヨノ誓願ノナカニ光明無量ノ本願壽命無量
ノ弘誓ヲ本トシテアラハシタマヘル御カタナチ世親菩薩ハ盡十
方無碍光如來トナツケタマツリタマヘリユノ如來スナハチ誓願
ノ業因ニムクヒタマヒテ報身如來トマフスナリスナハチ彌陀如來
トマフスナリ報トイフハタチニムクヒタルユヘナリ
今後三句意證文亦云
コノ一如寶海ヨリカ

タチチアラハシテ法藏菩薩トナノリタマヒテ無碍ノチカヒチオコシタ
マフチチ子トシテ阿彌陀佛トナノリタマフカユヘニ報身如來トマフス
ナリコレナ盡十方無碍光佛トナツケタマツルナリコノ如來チ南無不
可思議光佛トモウスナリコノ如來チ方便法身トマフスナリ方便トマフ
スハカタチチアラハシ御チチメシテ ヨノ報身ヨリ應化等ノ無
衆生ニシラシメタマフチチマウスナリ

量无數ノ身チアラハシテ微塵世界ニ无碍ノ智慧光チハナタシ
メタマフニヘニ盡十方無碍光佛トマフスヒカリノ御カタチニタイロモ
マシマスサカタチモマシマススナハチ法性法身ニオナシクシテ無明ノ
ヤミチハラヒ惡業ニサハラレスコノユヘニ無碍光トマフスナリ無碍ハ
有情ノ惡業煩惱ニサハラレヌトナリ
此別釋盡十
方無碍光義
可以解今文也

二開顯能讚人

久遠寶成阿彌陀佛止迦耶城ニ應現スル 經言舍利弗當
知我於五濁惡世行此難事得阿耨多羅三藐三菩提爲一切
世間說此難信之法言我行此難事得無上菩提於五濁惡世
說極難信法也所云難事提出次上難信法來難信法者即不

可思議功德名願行名願以得菩提所得菩提豈異事哉當知此即顯開其本地是阿彌陀佛宜矣上文說言我不可思議功德今之一首述此文意也首書引楞伽經恐非讀主意上下二首既據本經中間不合突出枝末經故久遠等ハ假語於檀那院念佛偈如首書等經曰彼佛壽命及其人民無量無邊阿僧祇劫故名阿彌陀舍利弗阿彌陀佛成佛已來於今十劫上明所讚以光明德今則標以壽德望上則以顯用之躰在此則以便于發迹顯本且約久近示本迹故經說十劫今日久遠者爲人悉檀以逗時緣故其正意所在如上已辨五濁等ハ上云無明等此其本心所期故果成不捨因願悲引無明濁惡凡愚即經所云於五濁惡世說難信法也釋迦等ハ法華壽量品云云文如方軌引雖取言於法華亦唯是本經之意也迦那城ハ如首書等引西域記及名義集應現ハ即應化義以

對報身謂本願成就報身爲本應化十方示現今釋迦等枝末身故本者躰也末者用也舉用歸躰唯是一盡十方無碍光佛向文意不云乎從此報身出生應化等無量無數身普放無碍智慧光於微塵世界故稱盡十方無碍光佛又是舉躰起用如今彌陀示現名釋迦然今發釋迦之迹者其意以人況法曉一代所說文字名句皆是讚歎彌陀功德之密号異稱作與下述諸經意之由致焉也

三况顯一代讚歎尙未爲盡

百千俱胝ノ劫ヲヘテ止彌陀ヲホメンニナラツキシ 非譯經曰又舍利子極樂世界淨佛土中有如是等無量無邊不可思議甚希有事假使經於百千俱胝那庖多劫以其無量百千俱胝那庖多舌一々舌上出無量聲讚其功德亦不能盡是故名爲極樂世界今所據也百千俱胝トハ如首書引往生要集下末六方

軌引大藏一覽六五十等方軌評私記云云叙曰私記得矣何也經更曰那度多彌顯其多讚文富麗言辭則宜如經文而省那庵多言者理應由句法者故錄公雖引華嚴第十一以例證之而如依問阿僧祇品說百二十轉數法第一百五曰無量第一百曰無數安知所云無量無數非是亦約數法焉哉彌陀等ハ經文在說依報莊嚴終而結其廣義亦起下正報莊嚴依正一具躰不二故今則於不二中以佛功德收國土也次下六首正述一代諸經之意然彌陀功德不可思議實出乎言語心行之表是以以劫舌音聲各百千俱胝讚之尙不能盡一代諸經雖廣博其五十年中一箇舌聲所說望之於彼功德何足爲多

二正開顯述諸經意三一先彈疑情二明淨土因果三重誠疑情今初

大聖易往トキタマフ止無耳人トソヘタマフ 目連所問經

云云如首書引安樂集上終往生要集上末十八紙引用經文蓋讚主之所從也此經本今則亡方軌云云大聖等トハ大經云必得超絕去往生安養國橫截五惡趣惡趣自然閉昇道無窮極易往而無人其國不逆違自然之所率等安養國德大涅槃界廣畧相入成就自利々他而其於凡夫自然牽引而不違逆所以爲易往也至下見性證果勸發安養者據此易往言也今所問經即出大經之說來凡一代諸經所說名句無有非本經之所流目者故淨土等トハ即是所云貶淨土真證昏金剛眞信者無限無耳トハ望溟記二釋並通然上三首類之如序此下六首如其正宗立題曰依諸經意者正目六首夫諸經部帙之廣多也汗牛充棟今少出其三四經來者就要綜之示其讚歎彌陀勸發衆生之大躰故又此依諸經也不必以其說彌陀之事有文可見者今所問經雖有之而如下涅槃華嚴等則無

之故熟會上發迹之文則其意可知

二明淨土因果二一明果二明其因明果中二一通明果
海所顯二別明顯性具二利勸發安養今初

無上上ハ眞解脱止無愛無疑トハラハル 北本涅槃第五

十五 如來性品南本第五之十
紙二紙四相品云又解脱者名無上々譬如北方

之於東方爲無上々解脱亦爾無有上々無上々者即眞解脱
眞解脱者即是如來乃至又解脱者名曰離愛譬如有人愛心
悌望釋提桓因大梵天王自在天王解脱不爾若得成於阿耨
多羅三藐三菩提已無愛無疑無愛無疑即眞解脱眞解脱者
即是如來若言解脱有愛疑者無有是處經說百句解脱無上
々是其第二十七離愛爲其第八十七此中越隔出二句者似
今家活意不拘經文讚文四句初揀歎究竟眞實德次則攝德
明人後二句以別入總重歎德相無上々トハ別簡異于等覺

經文次上有無上句譬曰如北方諸方中上謂總超因人也譬
無上々曰如北方之於東方東方於南西雖其是上若望北方
則更有上乃有上之上爲東方可以比等覺之望十地已還則
雖是上若望諸佛則更有上唯佛究竟最上此上不同等覺更
有上故云無上々也此中但出一句不必異無上句望涅槃記總
云無上佛果者好矣方軌云無上無上義上約諸佛下約彌陀
觀曰此釋不啻不解得名義亦恐失文之大躰何也次下二首
並舉衆生所得者勸歸安養今則爲總彼二首故此無上々亦
唯衆生所得不可謂之歎彌陀佛德細尋可知眞解脱トハ解
脫涅槃異名即文初云夫涅槃者名爲解脱又如迦葉品廿三
紙十
六明涅槃異名二十五中第七曰解脱是法安樂自躰無累免
離羈縛故曰解脱謂之眞者簡二乘虛妄涅槃故眞解脱トハ等
トハ得涅槃者名爲佛故無愛無疑トハ經意正說無愛故標

日離愛謂無法更勝上可忻者故曰無愛成大菩提此心決定
斯謂無疑也今則蓋是轉用望冥記釋見思煩惱通於內外
日此釋有旨一障一切障見思煩惱其難思至菩薩地盡得
爲如來地所離其言界內界外智障煩惱障等別者唯是隨義
且就鹿細分之已又無愛名心解脫無疑名慧解脫大乘義章
十八二十云斷除四住世諦心淨名心解脫於世諦中一切德
脫用心爲躰故偏說心斷絕無明真諦慧明名慧解脫於真諦
中一切德脫用慧爲主故偏說慧如經中說斷疑慧明斷愛心
脫又愛謂愛自身愛自身則捨眾生今既無愛即是大悲憐愍
眾生斯爲利他疑謂猶豫不決見佛性不了無疑即是大智
究極斯爲自利分出此二爲次下二首三義有差共是真解脫
之別相矣

二別明顯性具二利勸發安養二一約顯利他

平等心ヲウルトキテ止安養ニイタリテサトルヘシ

涅槃三十一十五

紙南

本第三十十一師子吼菩薩品云云如首書引平等々々トハ平等大悲
日平等心解行滿時證得寂滅平等法身於諸眾生得此心故
一子地トハ六要云云如首書引初地菩薩如實知見衆生之
相愴惻一切等無憎愛皆如一子故然佛智差別爲十地故此
一子地即佛大悲相佛性トハ大乘義章一二十云佛者是其
中國之言此翻名覺返妄契真悟實名覺舉佛辨性故明佛也
所言性者釋有四義一者種子因本之義所言種者衆生自實
如來藏性出生大覺與佛爲本稱之爲種々猶因也故經說言
云何名性々者所謂阿耨菩提中道種子大智論中亦云性者
名本分種如黃石中所有金性如白石中所有銀性一切眾生
有涅槃性斯文顯矣二躰義名性說躰有四一佛因自躰名爲
佛性謂真識心二佛果自躰名爲佛性所謂法身三通因果躰

佛因佛果同一覺性故名佛性其猶世間麥因麥果同一麥性如是一切當知是性不異因果因果恒別性躰不殊此前三義是能知性局在衆生不通非情第四通說諸法自躰故名爲性此性唯是諸佛所窮就佛以明諸法躰性故云佛性此後一義是所知性通其內外斯等皆是躰故名性三不改名性不改有四一因躰不改說之爲性非謂是因常不爲果說爲不改此就因時不可隨緣變爲非因故稱不改故經說言若殺衆生喪滅佛性無有是處又復說言因不改者得果之時因名雖沒因躰不亡因躰卽是如來藏性顯爲法身躰無變易非如有爲得果因謝就因以論故名不改二果躰不改說名爲性一得常然不可壞故第三通就因果自躰不改名性如麥因果麥性不改以不改故種麥得麥不得餘物如是一切佛性亦爾佛因佛果性不改故衆生究竟必當爲佛不作餘法經說佛性旨要在斯第

四通說諸法躰實不改名性雖復緣別內外染淨性實平等湛然一味故曰不改此是第三不改名性四性別名性々別有四一明因性別異於果二明果性別異於因第三通就因果躰性別異非情故經說言爲別一切草木石等說於佛性四就一切諸法理實別於情想虛妄之法名之爲性故經說言如來藏者非我衆生非命非人又復經言佛性雖住陰界入中而實不同陰界入也以此界別故名爲性佛性名義處判如是傳燈宗師罕言佛性於兩三處見之如安樂集及要集等至今大谷言數及于此竊討名義所在亦有如上四義存焉於中有約彌陀因果者焉有約衆生因果者焉彌陀因者全性起修故四十八願無非本具性功德如上引文意彌陀果者既全性起修亦卽全修顯性三種莊嚴人法教義莫非性起文云真如一實功德寶海又云真如一實之信海又云必至滅度卽是實相法性真如

一如等又云，卽證眞如法性身，又總歎行信證果佛土云，斯乃誓願不可思議一實眞如海等，當知佛性顯現成諸妙事，此因果中種子乃至性別得通，皆說佛性本具過恒沙，德圓滿，一切法門諸佛平等莫不內證，于此唯其外用大有二門，由以示現，於是有岐，彌陀諸佛論聖道淨土已次約，衆生因果者眞佛土文類云，感染衆生於此不能見性，所覆煩惱故經言我說十住菩薩少分見佛性，故知到安樂佛國卽必顯佛性，由本願力回向故亦經言衆生未來具足莊嚴清淨之身而得見佛性等，此約其果卽是生佛一際，彌陀衆生同躰，無別文意，所云遍滿于微塵世界一切群生海心是也，阿彌陀如來起自同躰性修成涅槃界，濁惡凡夫無明厚重背覺合塵不能見性，終日同躰而終日隔別，若一念傾心入涅槃界則安樂自然，德使其照見同躰眞性，斯謂難思議往生亦謂滅度入從別以證通，所證佛性

與常途全無殊異，如上四義亦得皆說，唯約其因則大不同，下文云眞性モトヨリキョケト等奪心性本淨之說而立，虛假不實也，濁惡凡夫以虛僞爲自心，諸佛所覺於中無求卽是所謂無始無明，其惟無始終盡亦無其期，終南云云信文類云從無始已來一切群生海流轉無明海法爾無清淨眞實心，乃此心中如上四義並不可說而語佛性者義名如來回向信心信心名佛性者信心佛因，故此其名義同乎四義中之第一而意則天懸此佛因願力之所回施而行者，本所無故問果則見本具因則不許何其不齊也，答於因不許唯是他力他攝法門爲然，生後冥于如來之性起則得說本有佛性，例如瑜伽第三十五言具種性者方能發心卽至堪忍位時約習種以論有性種今亦如是就性起果以論有其本性也，然所謂佛因離顛倒虛僞不可謂無性安樂眞證亦是願力所成卽是如來修德性修互有

實非不齊而以修奪性本具無功約因以顯願力德所以不論
衆生有性也然莫修不稱性約果以示願力實順二諦非是妄
法所以證語見性也斯則齊而不齊豈非善成立超世一門者
乎今文此與次下義同常途後大信心爲佛性者其意乃別應
如理解焉安養等トハ次下當辨

二約顯自利

如來スナハテ涅槃ナリ止安養ニイタリテ證スヘシ 此依如來性
品第五之二十紙南本文如首書引如來等トハ如望冥記方軌如
來爲畧涅槃爲廣非矣佛性等トハ佛性虛融非因非果亦因
亦果固非四句所詮亦非百非所喻妙旨湛然不可得而思議
方軌引金鐸論望冥記曰在因者局矣凡地等トハ所覆煩惱
故安養等トハ安養願心莊嚴國土廣畧相入境界今之自利
是略上文利他其略廣略相入故自利々他同時圓滿以自利

言之則常是如來究竟無上涅槃以利他故隨應示現十地三
賢人天雜類種々無量身所云一子地其中一相願心莊嚴國
土性成就此功德故無性而不圓滿此事希奇十方世界無有
倫匹乃上首大士普賢文殊於諸經中顯了願生行願品云願
我臨欲命終時盡除一切諸障礙而見彼佛阿彌陀即得往生
安樂刹我既往生彼國已現前成就此大願一切圓滿盡無餘
利樂一切衆生界彼佛會咸清淨我時於勝蓮華生親覩如
來無量光現前授我菩提記乃至智慧廣大徧十方普利一切
衆生界文殊師利發願經曰願我命終時滅除諸障礙而見阿
彌陀往生安樂刹生彼佛國已成滿諸大願阿彌陀如來現前
授我記嚴淨普賢行滿足文殊願盡未來際劫究竟菩薩行所
謂大願要之不過自利々他成滿自利々他莫速於阿彌陀如
來安樂國土普文引導一切既自爲其先登讚主之所以勸發

也

二明因

信心ヨロコフソノヒトヲ止佛性スナハナシ如來ナリ 信心等トハ
 依舊華嚴經六十七七紙入法界品文如首書引然經言等事在
 道後今則轉用以歎道前信德末燈鈔中答真佛房書亦與此
 同文云コレハ經ノ文ナリ華嚴經ニ言信心歡喜者與諸如來等
 トイフハ信心ヨロコフヒトハモロクノ如來トヒトシトイフナリモロク
 ノ如來トヒトシトイフハ信心チエテコトニヨロコフヒトハ釋迦ノミコト
 ニハ見敬得大慶則我善親友トキタマヘリ彌陀ノ第十七ノ願ニ
 ハ十方世界無量諸佛不悉咨嗟稱我名者不取正覺トナカヒ
 タマヘリ願成就ノ文ニハヨロツノ佛ニホメラレヨロコヒタマフトミヘタリ
 スコシモウタフヘキニアラスコレハ如來トヒトシトイフ文トモアラハセルナ
 リ方軌二義一約機謂因中說果故二約法於中亦一一約他

力信鉢二約釋迦褒讚引末燈鈔辨具如彼中觀日鈔上文有
 標諸佛等同者焉彼亦約法而約鉢約褒於中具焉而鎔公以
 私記第二義爲於文穩當者是矣大信心等トハ依涅槃三十
 二十五紙師子吼品南本三十紙文如首書引經說因性如實性論第
 三二紙性說十中是其第二今取釋成上二句意則不同若夫因
 謂因性就多因行且攝爲四曰信心般若三昧大悲卽是信心
 四中隨一今之信心鉢具諸法故信文類中先引師子吼品後
 引迦葉品迦葉品說菩提因無量信心攝盡乃知師子吼品慈
 悲喜捨等皆信心具此信如來回向非行者之有行者心中唯
 有無明爲其法爾由如來回向故發得信心信心滿足因德堪
 證大般涅槃故云佛性而以果法卽爲其鉢全南無阿彌陀佛
 以爲信心故云佛性卽如來夫佛回向法微妙難思隨所在處
 說之不定穢土假名人則謂之因淨土假名人則謂之果說雖

不定其躰無二今云佛性亦云如來良由此也

三重誠疑情

衆生有碍ノサトリニテ止多劫衆苦ニシツムナリ 此文未知何
據衆生有碍トハ通而言之我法二執以其細分則等覺已還
皆有之今意別名自力疑情サトリトハ霖公以解字譯之又可
以識字鎔公引安樂集云云無碍ノ佛智トハ佛智莫不無碍
今則別斥彌陀智願即上所云影現于安養界無碍光佛ウタ
カハトハ沈信心貶眞證迷定散昏眞信故上明淨土因果貶
眞證疑果也昏眞信疑因也會婆等トハ不止失大利亦速巨
害故空霖同日會婆羅出于戒疏類陀羅出于普超經鎔公曰
戒疏無文上已呵疑至此還誠者信入一門唯以疑爲繫縛故
讚主愍物之切欲使行者不滯著于常途方便因果而超詣別
異妙境勿僻解諸經悞往生大事焉

三結

已上諸經意

二現世利益和讚三一立題標數二讚文三結今初

現世利益和讚十五首 立題標數如文可知立題中上四字
所讚下二字能讚未捨報前名爲現世除災孽生禎祥謂爲
利益然如西河終南橫川等明現世利益傍正並取以爲所依
所謂譬喻惟無淨度般舟十往生鼓音聲等是其傍依諸經也
如安樂集下卷觀念法門往生禮讚往生要集下本等今則不
然但取傍依其正依中之說如攝取不捨入正定聚住不退轉
等已述了故是以上章諸經言義通被于此則具足應曰依諸
經現世利益和讚而今章中言總意別准下文義別依金光明
經故此中一十五首以助顯上觀經攝取不捨夫攝取不捨與
定聚不退其躰實一而義之尙以攝取爲先如曰攝取不捨故

住正定聚。故攝取定聚等諸祖之所通明。而開之。有種種事。安樂集明二種益。一除諸障。二延年轉壽。定善義明三種益。一親緣。二近緣。三增上緣。觀念法門明五種增上緣。中初三與定善義大同。禮讚大尾云云。往生要集明三種益。一滅罪生善。二冥得護持。三現身見佛。信文類明十種益。一冥救護持。乃至十入正定聚。皆是信後之益。而現生所得於中。定善義釋正。開顯光明攝取義。准諸文。皆亦相同。其致焉。至今十五首。豈有別意哉。惟夫光明攝取也。者所以惑染衆生之必至滅度。具開其益。則無量無盡。何止箇々。當知彼此諸文。各是從緣示少分也。矣。問上言攝取不捨者。出在乎小經讚。何得謂助顯觀經。答上文固然。而謂之助顯觀經者。推本經說。以成次第。助顯小經觀經大經之義。故問所說現益行者。聞者云何。安之。答望冥記明說意。有其三焉。一曰。令未發信者生信。故二止息羨他宗情。故三令

得信人彌增長信。故叡曰。初二終是一意。苟逗機宜。以方便誘引。聞者應擬之於現世。悉地而不得弘願。正信自是雜修。不至心人所謂千中無一者也。以初後苦心誠疑視之。此決非今之說意矣。如第三意。爲是以聞現益。後望未聞現益時。其信有增微長短乎。豈作者之意哉。方軌謂此借金光明以明淨土真宗鎮護國家作大饒益。非行者容就一己私之。叡曰。金光明經說有受持彼經者。得種々益。如四天王品言。若此國土有諸衰耗。怨賊侵境。饑饉疾疫。種々艱難。若有比丘受持是經。我等四王當共勸請。令是比丘以我等力。故疾往彼所國邑郡縣。廣宣流布。是金光明微妙經典。令如是等種種百千衰耗之事。悉皆滅盡。世尊如諸國王。所有土境。是持經者。若至其國。是王應當往是人所聽受。如是微妙經典。聞已歡喜。復當護念恭敬。是人世尊我等四王。復當勤心擁護。是王及國人民。爲除衰患。令得安

穩世尊若有比丘比丘尼優婆塞優婆夷受持是經若諸人王有能供給施其所安我等四王亦當令是王及國人民一切安穩具足無患世尊若有四眾受持讀誦是妙經典若諸人王有能供養恭敬尊重讚歎我等四王亦復當令如是人王於諸王中常得第一供養恭敬尊重讚歎亦令餘王欽尚羨慕稱讚其善可見至今讚亦復然是故數云南無阿彌陀佛ヲトノフレハ等又云願力不思議ノ信心ハ等又云眞實信心ヲマモルナリ等豈得謂之寄顯法德非約行者哉唯是此法利其人故一人之則一人安一家之則一家安一國之則一國安天下之則天下安未有人不奉行之而得其利益矣持名錄云云如首書引夫行者所仰唯是總在攝取而不問其諸他如息災延命等事驗諸現今有無不定蓋是隨宜施與佛意深密不可得而知其若何乃雖居困厄中夭折不至尤佛反增崇重彼罔極又如滅罪事

信證院告順誓有言曰罪キエテ御タスケアラフトモツミ消スシテ御タスケアルヘシトモ彌陀ノ御ハカラヒナリ我トシテハハカラフヘカラスト、信心肝要ナリ亦應併勸焉

- 二讚文二一開顯金光明密意二就開顯示念佛益初中
- 二一明經說相

阿彌陀如來來化シテ止トキチキタマヘルミノリナリ 金光明經

有五本焉一北涼曇無讖譯四卷名金光明經隅益曰此經來未盡但因智者依此譯說玄義及文句故舉世流通二周耶舍崛多譯五卷亦名金光明經三梁眞諦譯七卷名金光明帝王經此上二本今則亡四隋沙門寶貴對天竺三藏闍那崛多合人爲八卷名合部金光明經五唐義淨譯十卷名金光明最勝王經隅益曰此經於三譯中最在後而文義周足亦猶華嚴之有唐譯也最宜流通傳教學生式中以法華仁王及金光明爲

鎮護國家，三部其金光明，取義淨出最勝王經。今所據者亦應
准知焉。彼中如來壽量品云：爾時王舍大城有一菩薩摩訶薩，
名曰妙幢。舊本曰信相乃至獨於靜處，作是思惟：以何因緣釋迦牟
尼如來壽命短促，唯八十年，乃至作是念時，以佛威力，其室忽
然廣博嚴淨，乃至復於此座，有妙蓮華，種種珍寶，以為嚴飾。量
等如來，自然顯現於蓮華上，有四如來，東方不動。舊本曰阿闍南方
寶相西無量壽，北天鼓音。舊本曰微妙聲乃至告妙幢菩薩言：善男子，
汝今不應思忖如來壽命長短，何以故？善男子，我等不見諸天
世間梵魔沙門婆羅門等人，及非人有能算知佛之壽量，知其
齊限，唯除無上正偏知者。時四如來欲說釋迦牟尼佛所有壽
量，以佛威力，欲色界天諸龍鬼神健闍婆阿蘇羅揭路荼緊那
羅莫呼洛伽及無量百千億那由多菩薩摩訶薩悉來集會，入
妙幢菩薩淨妙室中。爾時四佛於大眾中欲顯釋迦牟尼如來

所有壽量而說，頌曰：一切諸海水可知，其滴數無有能數。知釋
迦之壽量，析諸妙高山如芥，可知數無有能數。知釋迦之壽量，
一切大地土可知，其塵數無有能算。知釋迦之壽量，假使量虛
空可得盡邊際，無有能數。知釋迦之壽量，若人住億劫盡力常
算數，亦復不能知。世尊之壽量，不害殺生命及施於飲食，由斯
二種因得壽命長遠，是故大覺尊壽命難知。數如劫無邊際，壽
量亦如是。妙幢汝當知，不應起疑惑。最勝壽無量，莫能知數者。
乃至廣說。淨譯有三十一品，若識所譯則有十八品。十八品中，初曰序品，次四
云江南諸師以初品為序壽量，下為正四王，下十三品為流通，乃至今從如是。我
聞入壽量訖，天龍集信相菩薩室，為序假從爾時四佛下訖空品，正說從四王
下訖經。阿彌陀等十八依經，正是四佛共說，今偏以彌陀標者，常
途解之。彌陀是妙觀察智，佛風大說法王故。天台釋曰：觀東方集諸
名阿閼，觀南方苦諦樂無去無來法性實相，寶相觀西方道諦舉
竟清淨法性壽命與虛空等故名無量壽。觀北方滅諦永寂無我入祕密藏故名
微妙聲。於今文今從次下文意思之，此蓋有幽致，其義何也。曰開
不便故不取也。

彼無量壽為本願成就佛故謂據願海言之彌陀是本諸佛則末以本收末則全三佛說唯是一彌陀說彌陀說者即是名号是其口業說法音聲故赴緣且為四佛之隨一而本意常通讚主之開顯不罔也方軌三義叙曰初義近是後二強會已息災等下八明說所為金光等下八明所說法序品本曰是金光明諸經之王若有聞者則能思惟无上微妙甚深之義如是經典常為四方四佛世尊之所護持東方阿閼南方寶相西無量壽北微妙聲我今當說懺悔等法所生功德為無有上能壞諸苦盡不善業一切種智而為根本無量功德之所莊嚴滅除諸苦與無量樂諸根不具壽命損減貧窮困苦諸天捨離親厚鬪諍王法所加各々忿諍財物損耗愁憂恐怖星災異眾邪蠱道變怪相續臥見惡夢晝則愁惱當淨洗浴聽是經典至心清淨著淨潔衣專聽諸佛甚深行處是經威德能悉消除如是諸惡

今其寂滅等此中消除壽命損滅是即延命自餘消除是其息災此預標正說之所為則為息災延命者觀此文可見若妙幢之疑以發起壽量之說非所為也又經次文說得諸佛菩薩一切冥眾之擁護今則影略已當知下讚廣說現益者總含蓄于此處也矣金光等下八金光明一部總題壽量其中一章別目如天台釋經言是時如來遊於無量甚深法性諸佛行處過諸菩薩所行清淨即名法性曰金光明謂法性有三義是可尊可貴故是寂而常照故是大悲多益故更有譬喻附文等釋云云法性顯現名佛々有三身則壽量亦分三々中乃從義便尙取報身之壽量以立品題報身上冥下應上冥法性即非量非無量下應機緣能量能無量具如彼玄義文句中今則自有別意存焉曰所謂無量甚深法性法藏菩薩所修成者經言如來智惠海等即此法性名曰金光明經言威神光明最尊第一諸佛

光明所不能及、又與言諸佛中之王也、光明之中極尊也、曰壽量者、顯此光明常住無終盡時、事讚云、徹窮後際、放身光壽命延長、莫能量經說、釋迦之壽量、釋迦即彌陀如上、開顯云、久遠實成阿彌陀佛等、故彼正宗中更有三品、曰懺悔、曰讚歎、曰空、次壽量品說三品者、壽量品是一經、宗謂壽量是如來所得、果々顯法性常躰之樞要、故宗有力用、使衆生斷惡生善、以拔其苦、亦與其樂、是故次說懺悔讚歎二品、雖行懺等、若不了圓空、則懺非無生、破惡不盡、不足以成其德、讚亦不稱性、生善不深、不足以成智德、欲以圓空導成上懺讚、所以後空品也、具如彼立疏、今准讚主之意、開說者、壽量即南無阿彌陀佛自然大用、回向成行者之行、唯是南無阿彌陀佛、即以懺悔亦即讚歎、論主曰、口業讚歎稱彼如來名、宗家曰、念々稱名常識懺悔、銘文云、即歎佛トイフハスナハナ南無阿彌陀佛ヲトナフルハホメタテマツルコ

トハニナルトナリマタ即懺悔トイフハ南無阿彌陀佛ヲトナフルハスナハナ無始ヨリコノカタノ罪業ヲ懺悔スルニナルトマウスナリ、斯行眞實全信而起、斯爲懺悔讚歎兩品、義下文標行者數、以稱名即斯行也、後說空品顯起行之信、謂立佛智不思議、信心以空罪福、雖修懺讚修而無修不執懺讚之相、下文云、願力不思議、信心又云、眞實信心、謂此信也、此信眞實必具名号、此信與彼行相奪互成、無有前後下文之雜沓不次、良由于茲、唯獲此行信者、方爲佛光攝取、攝取中有種々增長、事上句則畧云、息災延命、下文則廣明罪障消滅、乃至諸佛護念等、金光明中序則略說四王品已下、則廣說、當知今之開顯文、則雖少於壽量一品、而意則遍一經矣也

二就人師推密意

山家ノ傳教大師ハ止南無阿彌陀佛ヲトナフヘシ 和語燈錄

第三持名鈔 此中云嵯峨之時銘公曰釋書則云大同三年即平城之御宇年紀不同後學可考 破邪顯正鈔等如

諸鈔引方軌云今文蓋本乎長講願文叙曰云云山家トハ首

書云云叙曰未聞有指比叙山謂山者此是標其傳法正統之

稱支那宋時貶奉先之徒謂山外稱四明日山家今效彼也傳

教等トハ如首書等七難等トハ七難之相如諸鈔引仁王法

華藥師等經方軌引金光明第二紙四天王品深諦院曰據持

名鈔案今讀意順藥師經說叙曰鈔文所敘有五難已其國土不穩者總上而言也別為之第四第五難者非矣

叙曰如持名鈔所叙夫當年之事實難相同異不可得而知之

若據此中意則方軌引金光明者為得此文釋次上讚故南無

等トハ澄師則万行中且取一行讚主之意則在真實大行ト

ナフヘントハ方軌辨望溟云云叙曰云云蓋以澄師上古名德自

延歷中一唱台宗以至讚主之時上下風靡人望之大無與等

者焉今引師者在取于此權以為據開顯金光明之密意使聞

者易信然澄師以南無阿彌陀佛為禳災法者原乎彌陀說壽

量品意故也夫師約定三部以為鎮護國家經則禳災來福不

出三部即仁王法華雖亦鎮護法而其屬彌陀者金光明經而

非餘二部乃就壽量品以說人取之以南無阿彌陀佛為禳災

法也夫澄師雖名德其於金光明在枝末論枝末豈能徹見說

人之本意者哉讚主踞于願海觀枝末自根本說人之本意未

嘗不通是以澄師所謂南無阿彌陀佛即本願成就如來金光

明說為壽量法稱南無阿彌陀佛即真實大行亦是彼說信受

奉行稱揚讚歎金光明經壽量法門者也四王乃至一切神祇

照臨擁護于此法門所在之處即來衛念佛行者也當知一經

之說莫非彌陀利益以稱南無阿彌陀佛成上讚者良有由也

下文數々云稱南無阿彌陀佛皆牒去今文以詳得益事是故

今二首與下十三首唯是有廣略也

二就開顯示念佛益二一罪障消滅益二冥報護持益初中亦二一往生決定益

一切ノ功德ニスクレタル止カナラス轉シテ輕微ナリ 此下所明

大有二種得益一者滅罪今二首也二者護念後十一首也信文類未列十種益以義攝來入今二中謂彼第一第四第六總是護念此事易知餘七攝人滅罪謂滅罪必有生德彼云轉惡成善其第二第五七八九十生德之別相而卷之則藏于成善成善即生德而不離滅罪豈非滅罪攝餘七乎又此下十三首以受法分之則有大信有大行日第十及第十二大信其餘皆為大行然所得益本是法躰所具功德是故受法時即得益時既受其德法得益豈其異時哉又以所依言之則初十首依金光明後三首依觀經真身觀是助顯光明攝取以其能助結歸所助故金光明經懺悔品說信相菩薩已聞四佛演說壽量其

夜夢有大金鼓其明普照喻如日光光中見十方無量諸佛衆寶樹下座瑠璃座為大衆說法有一人似婆羅門以桴擊鼓出大音聲音聲演說懺悔偈頌明且詣于靈山向佛曲說夢中所見所說懺悔圓人所修通作法等三委如天台文句第三今以真宗意解之者金鼓阿彌陀如來所得光明也此光明出名號說法音聲故喻以鼓石壁則比之於滅除藥鼓普照如日者謂此光無量無邊也光中見諸佛者此光充滿微塵世界示應化身故此方化主亦在其中一人似婆羅門者況傳法人也婆羅門此云淨行釋迦如來三業寂默真婆羅門南本涅槃十六云如來名大婆羅門大淨畢竟到於彼岸無能勝者滅後宗師如法弘經不差佛意故云似也唯宗師善此事他人則不知故云一人也以杓擊鼓出大音聲者以他力信心智惠說如來所得光明說即名號名號分明流行十方故聲中演說懺悔法者

即名号之義。眾生生死之罪無量無邊。而願力能除滅不遺。故他宗之懺悔。要擇懺悔處。使知實相。安住其中。若能知實相。則煩惱業苦。當相即空。無障不滅。如覆大地。無樹不枯。是名無罪。相懺悔。亦名莊嚴懺悔。亦名大懺悔。懺悔中最妙深要也。此宗之意。亦要擇處。須呵棄自力。安住願力。自力虛妄。顛倒假使有少善。皆是有漏繫業。克鉢論之。莫匪罪障。如來願力。則實相。法從法藏菩薩。智慧清淨業起。依法性順。二諦。故行者安住此法中。時虛妄顛倒。即便消滅。宗師曰。一實一虛。豈得相比。譬如千歲闇室。光若暫至。即便明朗。闇豈得言在室千歲。而不去耶。斯事不可稱不可說。不可思議。一切懺悔中。最極秘密矣。也。此下二首。依西河集。開顯懺悔品。意於中。今文就往生障滅。明現益。次下。一首。就生前事。明現益。安樂集云。或有三昧。但能除現在障。不能除過去未來一切諸障。若能常修念佛三昧。無間現在

過去未來一切諸障悉皆除也。讚文有四句。中前半受法後半得益。下皆倣之。一切等。卽是真實。大行也。行文類云。大行者。則稱無碍光。如來名。斯行。卽是攝諸善法。具諸德本。極速圓滿。真如一實功德寶海。故名大行。稱無等者。卽今初句攝諸等者。今第二句彼真門。念佛雖亦曰善本德本。而自力行者。止知其善本德本。而不能了願力留滯。邊地自成迂回。弘願行者。快會善本德本。鉢其願力。稱念佛名。常離自力。心直至報土。一生證妙果。故云極速圓滿等。今則舉稱名下。文則云願力信心。又云真實信心。此稱含藏。彼信。彼信等起。此稱信行。互具彼此相成。當知此稱真實大行。行文類云之。真實信心。必具名号。化文類。則斯名橫超專修。非是。所云名号。必不具願力信心者。又非。所云以信罪福。心願求本願力者也。三世之重障。卽無始已來。今日今時。後至捨報。其中所有造業。皆妨碍聖道。不令出離。

決定長在生死故故云但一切眾生從曠大劫來備造有漏之業繫屬三界等ミナ、カラトハ總該不遺也カナラス轉シテトハ轉謂轉滅行文類云轉逆謗闡提恒沙無明海水成本願大悲智惠真實恒沙万德大寶海水轉逆等者重障滅也成本等者業道成辨往生決定也今偏舉障滅義影往生決定障滅生定猶如明闇來去同時故又是障滅即顯往生決定也信證院曰一念ノトコロニテ罪皆キエテアルハ一念ノ信力ニテ往生サタマルトキハ罪ハサハリトモナラヌ去レハ無分ナリ消息所云無始已來ツクリトツクル惡業煩惱ヲノコルトコロモナク願力不思議ナモテ消滅スルコハンアルカユヘニ正定聚不退ノクラキニ住ストナリ等又云コノ大功德ヲ一念ニ彌陀ヲタノミマウス我等眾生ニ回向シマシマスユヘニ過去未來現在ノ三世ノ業障一時ニツミキエテ正定聚ノクラキマタ等正覺ノクラキナントニサタマルモノナリ等可以見也夫障名其

能碍聖道今既不能碍往生決定可不謂滅哉若觀經說多念滅罪顯機障重故大經說一念滅罪顯利益頓足故其實法鉢自然功德不可以行者之一念多念論焉輕微トハ其實滅盡無餘而云輕微者唯是言之不迫切已例如禮讚云善根薄少與散善義明信機相造語有異勿泥語失意焉然今以障滅顯往生必定者此乃攝取之正意三緣中曰之増上緣所謂諸邪業繫無能碍者即今障滅也但定善義約終時說今約平生以明現益斯爲異也此是現益之最大者與次下延壽等唯是一旦小事不同次下讚云コノ世ノ利益彼則現世之現益此則當來之現益差別可見古鈔不曉此意廣引涅槃南本三十四紙北本十六一紙十九三紙三十一紙放鉢經金剛經大論三十三和語燈第二等以轉重輕受解之恐非讚主之意也二壽命不損益

南無阿彌陀佛ヲトナフレハ止定業中天ノソコリヌ 亦是依
西河以開顯懺悔品意如懺悔品所說種種祥福念佛應皆有
之而衆生歡喜者莫先於壽命是以安樂集云第三問曰念佛
三昧既能除障得福功利大者未審亦能資益行者使延年益
壽以不答曰必得何者如惟無三昧經云有兄弟二人兄信因
果弟無信心而能解相法因其鏡中自見面上死相已現不逾
七日時有智者教往問佛々時報言七日不虛若能一心念佛
修戒或得度難尋即依教繫念時至六日即有二鬼來耳聞其
念佛之聲竟無能前進還告閻羅王閻羅王索符已注云由持
戒念佛功德生第三炎天又譬喻經中有一長者不信罪福年
已五十忽夜夢見殺鬼索符來欲取之不過十日其人眠覺惶
怖非常至明求覓相師占夢師作卦兆云有殺鬼必欲相害不
過十日其人惶怖倍常詣佛求請佛時報云若欲攘此從今已

去專意念佛持戒燒香然燈懸繪幡蓋信向三寶可免此死即
依此法專心信向刹鬼到門見修功德遂不能害鬼即走去其
人緣斯功德壽滿百年死生天等コノ世等トハ揀上總標廣多
謂次上所明意示往生決定今則但就生涯瑣々小事示其益
種々故而此集文所無讚主取於經文得意加釋也經文說懺
悔益廣出無病富財愛敬等事故流轉等トハ別示壽命無減
流轉輪回言從前在生死中也生死無窮如水流之回復如車
輪之轉展錯綜爲文故云流轉輪迴歷苦時長也罪謂殺等事
別舉短命之因也定業等トハ俱舍論十五十四業品云此有
定不定々三順現等乃至論曰此上所說順樂受等應知各有
定不定異非定受故立不定名定復有三一順現法受二順次
生受三順後次受此三定業并前不定總成四種乃至順現法
受者謂此生造即此生熟順次生受者謂此生造第二生熟順

後次受者謂此生造從第三生後次第熟廣如彼說中對後年
天謂夭折不盡天年半途而死故云中天中天酬決定業故云
定業中天既是定業所感何謂中天霖公釋云此從俗情言之
彼計爲橫死故ノソコリヌトハ觀念法門亦云稱念阿彌陀佛願
生淨土者現生即得延年轉壽不遭九橫之難等夫現益無量
於中別示延壽者特就人情之所好故問現今受此法者短命
不爲不多非相違乎答長生不死之神方尙能授法性眞壽豈
不能使終生死百年而佛意難思鑿機知其可否可延之則延
可促之則促所以有長短也今示法躰具德法爾本然至行者
之天壽則未必一樣勿以彼疑此焉問下文云佛号ム子ト修ス
レトモ等如今所明恐使聞者墮于過失中答今則明弘願信行
自然利益而不論求之而得之失則行者自失已教授不與汝
勿懲羹吹壺焉

二冥衆護持益二一界內二界外界內亦二一別明二總
結初別明六一梵釋歸敬

南無阿彌陀佛ヲトナフレハ止ヨルヒルツ子ニマモルナリ 此下十

一首開顯四天王品已下密意彼經中說金光明典所在之處
一切冥衆隨逐擁護金光明者即是無碍光之密号三經贊中
明無碍光之攝取不捨彼則護持之主此下所出是其隨伴眷
屬矣也金光明經三十四鬼神品說聞經益云大梵天王三十
三天護世四王金剛密迹鬼神諸王散脂大將禪那英鬼及緊
那羅阿耨達龍娑竭羅王阿修羅王迦樓羅王大辨天神及功
德天如是上首諸天神等常當供養是聽法者乃至大辨功德
護世四王無量鬼神及諸力士晝夜精勤擁護四方令無災禍
永離諸苦釋提桓因及日月天閻摩羅王風水諸神韋馱天神
及毘紐天大辨天神及自在天火神等神大力勇猛常護世間

晝夜不離大力鬼王那羅延等摩酢首羅二十八部諸鬼神等
散脂爲首百千鬼神々足大力雍護是等令不怖畏金剛密迹
大鬼神王及其眷屬五百徒黨一切皆是大菩薩等亦悉雍護
聽是經者摩尼跋陀大鬼神王富那跋陀及金毘羅阿羅婆帝
賓頭盧伽黃頭大神一々諸神各有五百眷屬鬼神亦常雍護
聽是經者質多斯那阿修羅王及乾闥婆那羅々闍那那娑婆
摩尼乾陀及尼健陀主雨大神大飲食神摩訶伽陀金色髮神
半祈鬼神及半支羅車鉢羅婆有大威德婆那利神曇摩跋羅
摩竭羅婆針髮鬼神繡利密多勤那翅奢摩訶婆那及軍陀遮
劍摩金帝復有大神奢羅密帝醞摩跋陀薩多琦梨多酢波酢
阿伽跋羅支羅摩伽央掘摩羅如是等神皆有無量神足大力
常勤雍護聽受如是微妙經者阿耨達龍娑伽羅王目真鄰王
伊羅鉢王難陀龍王跋難陀王有如是等百千龍王以大神力

常來擁護聽是經者晝夜不離波利羅候阿修羅王毘摩質多
及以茂脂腴摩利子波訶梨子法羅壽馱及以健陀是等皆是
阿修羅王有大神力常來雍護聽是經者晝夜不離訶利帝南
鬼子母等及五百神常來雍護聽是經者若睡若寤旃陀旃陀
利大鬼神女等鳩羅鳩羅檀提敢人精氣如是等神皆有大力
常勤雍護十方世界受持經者大辨天等無量天女功德天等
各與眷屬地神堅牢種植園林果實大神如是諸神心生歡喜
悉來雍護愛樂親近是經典者等此是聚集見乎文者四天王
已下諸品別々說之雖有出沒意則實通梵王帝釋トハ取諸
最勝王經彼經第九紙六諸天藥又護持品云梵王帝釋主梵釋
名義如首書及深諦院引諸文歸敬トハ約所行法諸天善神
トハ此言與上梵王帝釋一具且分成章以綺互上下也マモ
ルトハ正於能行人也曇無讖譯則云梵釋等供養聽法者說

之略也。若義淨譯則舉梵釋等諸天而後云常供養諸佛法寶
不思議恒生歡喜心於經起恭敬次說諸天觀察宿植深厚行
者聽經而護念之即云各於其四方常來相擁護歸敬守護之
別視之可見而相入互收人法無別亦得迭說歸敬守護也

二四王侍衛

南無阿彌陀佛ヲトナフレハ止ヨロツノ惡鬼ヲカツケス 經文
如上天四大王トハ光明文句六 初云四天王者上升之元首
下界之初天居半須彌東黃金埵王名提頭賴吒此翻持國領
乾闥婆富單那南瑠璃埵王名毘留勒又此翻增長領鳩槃荼
薜荔多西白銀埵王名毘留博又此翻雜語領毘舍闍毒龍北
水精埵王名毘沙門此翻多聞領夜叉羅刹法華文句五 十與
此大同如首書引大論五十四 四云云

三地神尊敬

南無阿彌陀佛ヲトナフレハ止ヨルヒルツ子ニマモルナリ 堅牢地
祇トハ經曰地神今日地祇神祇通則相同別而言之天謂之
神地謂之祇今則從其別者地祇總名舛別非一華嚴列入地
神探立記二 三十四云地神居下運載義多現女身如堅牢等當
知堅牢別中一種而此中意舉別成總也光明文句六 七 十釋
名義云云如首書引

四龍神尊敬

南無阿彌陀佛ヲトナフレハ止ヨルヒルツ子ニマモルナリ 難陀等
トハ跋難具云跋難陀法華文句五 十四云云如首書引法華
說八龍王難陀居初跋難陀爲其次鬼神品百千龍王中出六
此二在後如次爲其第五第六如阿含說此之二龍其形最大
遠須彌山七市頭猶山頂尾在海中二經之布置今文之讚述
其有意乎無量ノ竜神トハ鬼神品云百千竜王華嚴云佛世

界微塵數諸竜神深諦院曰大雲輪請雨經列一百八十七竜王大方等大雲請雨經列一百八十六竜王大雲請雨經列一百八十四竜王云云叙曰不空譯亦有名大雲輪請雨經者則是此經都有四本宜須通檢

五閻王尊敬

如深諦

南無阿彌陀佛ナトナフレハ止ヨルヒルツ子ニマモルナリ院引諸文解又法苑珠林十二三紙廣明閻王事望溟記引炎王禮事壽禪師之肖像之事緣叙曰此是小說雖可以開發俗情豈足證今文哉鬼神品言閻魔羅王護聽經者晝夜不離讚主之神智展廻天手以開顯彼密意有今讚文學者應須抉剔守株膠柱之翳膜豁開弘願法門眼觀見深妙境界焉

六魔王誓護

合部金

南無阿彌陀佛ナトナフレハ止マモラントコソナカヒシカ光明及最勝王經皆有付屬品其中載魔說偈申護持經者最

勝王經十廿紙云爾時魔王子名曰商主合掌恭敬說伽陀曰若

有受持此正義相應經不隨魔所行淨除魔惡業我等於此經

亦當勤守護發大精進意隨處廣流通爾時魔王合部云魔羅波畢摩合掌

恭敬說伽陀云若有持此經能伏諸煩惱如是衆生類擁護令

安樂若有說是經諸魔不得便由佛威神力我當擁護彼今所

據也古鈔引大般泥洹經非矣他化天トハ大論五十四五紙云

婆舍跋提秦言他化自在天俱舍論十一十三紙世間品云有諸

有情樂受他化諸妙欲境彼於他化妙欲境中自在而轉謂第

六他化自在天光疏十一十七紙引集異門足論第五釋云妙欲

境者境非是欲貪欲名欲境能生欲故名欲境愚夫妄計名之

爲妙乃至有諸有情造是類業受用境時令劣天子化作種種

色聲香味觸境於中受用自在而轉謂第六他化自在天準集

異門聲亦可化大魔王トハ大論五二十紙云問曰何以名魔答

日奪慧命壞道法功德善本是故名爲魔諸外道人輩言是名
欲主亦名華箭亦名五箭破種々善事佛法中名爲魔羅義林
章六本紙十七云梵云魔羅此云擾亂障礙破壞擾亂身心障
善法破壞勝事故名魔羅此略云魔乃至又云波畢夜此云惡
者天魔別名波旬訛也成就惡法懷惡意故惡魔波旬号名双
舉大論五十六紙七云問曰何者是魔何故惱菩薩云何得便答
云魔名自在天主雖以福德因緣生彼而懷諸邪見以欲界衆
生是已人民雖復死生展轉不離我界若復上生色無色界還
來屬我若有外道五通亦未出我界皆不以爲憂若佛及菩薩
出世者化度我民拔生死根入無餘涅槃永不復還空我境界
是故起恨讎嫉又見欲界人皆往趣佛不來歸已失供養故心
生嫉妬是以々佛菩薩名爲怨家又六十八紙四七十七紙十八
十三等數說魔事須披尋焉此在欲界頂而得自在故稱曰王

大論十紙三十云天中有三大主釋提婆那民二處天主魔王六
欲天主梵世界中梵天王爲主又是對其眷屬故稱王也マモ
ラン等トハ元照觀經疏上三紙引慶文法師正信法門辨念佛
無魔事謂佛有大慈悲乃至光明徧照攝取衆生等種々不可
思議力念佛行者仰憑佛力此所以其自然無魔事不同乎此
方入道自力修治擊發魔障也如行文類引然今不啻不惱亂
亦更立誓守護者蓋魔有權實權實皆應有守護之理故就其
實者言之彌陀願力亦能攝彼々誠知佛恩其於念佛行者作
兄弟想也謂法藏菩薩起自一切衆生平等法性知佛界如魔
界如一如無二如安同一實際而後稱性修起大願以攝彼惡
魔不動嫉妬情即入畢竟淨故又華嚴說現前地菩薩多作他
化王第六地文云菩薩住是地多作善化自在天王智慧猛利
能破一切增上慢者又維摩說八地上菩薩示現爲魔王不思

議品云爾維摩詰語大迦葉仁者十方無量阿僧祇世界中作
魔王者多是住不可思議解脫菩薩以方便力教化眾生現作
魔王又入大乘論下紙十云云是其權者也約之言之今則乘阿
彌陀如來普賢之德現作魔王故同躰大悲反守護念佛行者
也

二總結二一善神守護

天神地祇ハコトク止念佛ノヒトチマモルナリ 此上就人多
知者列其少分今則總結其廣首書別引大力鬼王等文非矣
天神地祇トハ如首書引許氏說念佛トハ行文類云云

二惡神懼怖

願力不思議ノ信心ノ止ミナコトククナソルナリ 願力等トハ
他力信心上云念佛以此信心爲彼躰也改邪鈔明自力念佛
不生報土以不知願力不思議今則反彼願力即他力他力令

凡夫入報土謂不思議聞不思議不容思議故云信心大菩提
心トハ信文類本云然就菩提心有二種一者豎二者橫又就
豎復有二種一者豎超二者豎出豎超豎出明權實顯密大小
之教歷劫迂迴之菩提心自力金剛心菩薩大心也亦就橫復
有二種一者橫超二者橫出橫出者正雜定散他力中之自力
菩提心也橫超者斯乃願力回向之信樂是日願作佛心願作
佛心即是橫大菩提心是名橫超金剛心也然菩提心功德無
量無盡畧如華嚴說一百二十句今此中意別取彼一兩句以
爲惡神怖畏所以彼經五十九紙十七入法界品云善男子譬如
有人得龍王藥若有毒蟲聞其藥氣即避遠去菩薩摩訶薩亦
復如是得菩提心大龍王藥一切煩惱諸惡毒蟲聞其藥氣皆
悉散滅又二十云譬如大師子吼小師子聞皆悉勇健一切禽
獸遠避鼠伏佛師子吼諸菩薩等若聞讚歎菩提心聲長養法

身妄見衆生潛伏退散可見

二界外三一觀音勢至等菩薩

南無阿彌陀佛ヲトナフレハ止カケノコトクニ身ニソヘリ 此下三首依觀經說觀經本也金光明末也此上開顯末教密意既開顯已則本末無二故今贊述觀經意以示會末同乎本也依觀經者義在于真身觀々音勢至是一光中之妙用十方諸佛亦是無碍光中之應化而彌陀大悲之別相故普觀云云如首書引觀音觀云頂有圓光面各百千由旬其圓光中有五百化佛如釋迦牟尼佛一々化佛有五百化菩薩等又云眉間毫相備七寶色流出八万四千種光明一々光明有無量無數百千化佛一々化佛無數化菩薩以爲侍者等勢至觀云云疏云四明化佛侍者多少恒沙塵數ノ菩薩トハ此不唯彼侍者菩薩此中亦攝普賢等諸大菩薩彼亦以觀音勢至爲上首如二十五

菩薩以二大士爲其初故

二彌陀之化佛

無碍光佛ノヒカリニハ止眞實信心ヲマモルナリ 眞身觀文如首書引普觀亦云化身無數無碍光佛トハ卽是攝取不捨本尊無數等トハ無數之言取諸普觀普觀之文卽攝取不捨之再說故阿彌陀卽無碍光佛之名上讚云攝取シテステサレハ等二句標彌陀之化佛若夫本佛述正依中已讚了故舊科云明彌陀護念或云本佛非矣眞實等トハ信心報土之正因煩惱心中正因開發一得不失住正定聚不爲一切雜緣之動亂破壞實由攝取不捨之不我欺斯謂守護此守護卽本佛守護上文云無碍光佛ノヒカリニハ等又云十方微塵世界ノ等彼此通徹無二無別此攝取光無量無邊盡十方界是以諸佛菩薩恒沙神王塵數冥衆同在攝取光中亦與共守護眞實信心行者

當知前後所明護念皆從于此中開顯矣也又滅罪益不離此
中如上已辨

三十方諸佛

南無阿彌陀佛ヲトナフレハ止ヨロコビマモリタマフナリ 觀經言
見此事者即見十方一切諸佛等解云見此事者者知彌陀之
攝取也即見等者十方諸佛舉鉢即盡十方無碍光明同鉢無
緣大慈悲如彌陀之照護諸佛亦照護故其相具如彌陀經中
說今文所依可見首書引禮讚文非矣

三結

已上現世利益

三勢至和讚三一立題標數二讚文三結示今初

首楞嚴經ニヨリテ大勢至菩薩和讚シタテマツル八首 首楞
等トハ標讚所依大勢至等トハ舉所讚人標能依讚八首ト

ハ標文頭數首楞嚴經トハ具曰大佛頂如來密因修證了義

諸菩薩万行首楞嚴經十卷唐第四主中宗神龍元年乙巳五

月廿三日中天竺三藏般刺密帝譯烏長國沙門彌伽釋迦譯

語清河房融筆授般若經中說一百一三昧又說百八三昧

如大論四十三及四十七首楞嚴定為其元首涅槃經廿五

北本廿七 云首楞者名一切事竟嚴者名堅一切畢竟而得堅固

名首楞嚴以是故言首楞嚴定名為佛性又廿八 十七紙北本三

云又無住者名首楞嚴三昧知一切法而無所著以無著故名

首楞嚴如來具足首楞嚴定大論四十七 十七紙 曰首楞嚴三昧

者秦言健相分別知諸三昧行相多少深淺如大將知諸兵力

多少復次菩薩得是三昧諸煩惱魔及魔人無能壞者譬如轉

輪聖王主兵寶將所住至處無不降伏 弘決三之一云言楞嚴者他

而為首飾菩薩得此首飾寶者具足三昧從寶為名名楞嚴定大經云首楞者一
切事竟嚴名堅固一切事竟而得堅固名首楞嚴大論十八翻為健相大經大論

並以三字俱是梵音俱名ヨリトハ亦是正依意開顯彼經秘密者
三昧唐梵二釋未見所憑

也隅益曰阿難示墮摩登伽難佛放頂光說咒敕文殊將咒往

護提獎來歸啓請大法佛爲先開圓解次示圓行次明圓位乃

至精研七趣詳辨陰魔此宗教司南性相總要一代法門之精

體成佛作祖之正印也長水辨宗趣曰以心境空偏計如蛇鬼經云如虛空華本

無所有又經云妄寂依他如影像等經云當藏性圓滿由空寂故圓滿成實

爲色空及與聞見處出生隨處滅盡等下云迷悟死生了不可得又聖凡

菩提妙淨凡聖平等無二路又生死涅槃皆即在勞等爲宗令修行者忘

情由悟宗故下云即汝心等佛由情忘故經云厭即觀行速成文云方便

爲趣等夫首楞嚴三昧者究之諸佛所得而即是安養之真證

也南本涅槃廿五紙云善男子佛性者即首楞嚴三昧性如醒

酬即是一切諸佛之母以首楞嚴三昧力故而令諸佛常樂我

淨一切衆生悉有首楞嚴三昧以不修行故不能得見是故不

得成阿耨多羅三藐三菩提善男子首楞嚴三昧者有五種名

一者首楞嚴三昧二者般若波羅密三者金剛三昧四者師子

吼三昧五者佛性隨其所作處々得名解云涅槃之說且出其

少分其實何止五種如彼寶王如來毘盧遮那佛不可思議解

脫第一義空妙法蓮華等亦是首楞嚴定之異稱而一眞法界

以爲其躰一眞法界者何也所謂三界唯一心々外無別法一

切世間唯是一心別無妄待故曰一眞法界衆生不知阿陀那

識執根境識逐末忘本背覺合塵飄零六道常爲五陰等諸魔

燒亂受苦無窮諸佛大悲哀愍之欲使其得首楞嚴定證知一

眞法界本常明心如純金更不成雜鑛灰不重爲木於是聖

淨二門教法起焉據聖道門而發趣者開彼圓解立其圓行修

三決定遠離十因六報七趣十二類等逕五十五位眞菩提路

積集無量阿僧祇諸波羅密功勳方乃顯發本來自性清淨妙

心首楞嚴定如經文說往生淨土法門爲不堪唯心者如安樂

集上卷破計心外無法中此門中趣入嫌謂唯心唯心則佛所知若夫衆生無始無明住地唯有二執熾然相續爲陰殼覆蓋常處大黑暗中唯心之妙非所得而關如來畫出無上方便使陰殼衆生由此畢竟成佛卽念佛三昧無上禪門是也有衆生信順如法修行者不知不識契佛所知捨此穢身之後必也顯證一眞法界聖淨二門殊塗同歸首楞嚴定彼此無別然二十五中念佛且約十八界中意根自是聖道門中一途方便而非所謂無上方便今則如來回向法名爲念佛此念佛鉢卽首楞嚴定全如來所證以爲回向法也是超過一切世間正法如來出興于世元意之攸存一代時教之大秘密而墮在二十五中者如鈎之藏香餌中如來之意欲漸々誘引捨有上方便終歸無上方便讚主冥達佛意開顯秘密所以依據也大勢至卜八觀經言舉身光明疏云明身光總別不同照十方國明光照遠近作紫金色光明所觸處皆

作紫金之色有緣衆生皆悉得見明但與勢志宿業有緣者卽得觀觸此光但見此菩薩一毛孔光卽見十方無量諸佛淨妙光明明但見一毛孔卽能多見諸佛淨行之者希心渴仰入觀以證之是故号此菩薩名無邊光明依光以立名以智惠光普照一切令離三塗得無上力明光之牀用卽無漏爲牀故名智惠光又能除息十方三惡之苦名無上力卽爲用也是故号此菩薩名大勢至明名大勢志者此卽依德立名也第八觀說觀音座佛左邊此菩薩則座右邊以此菩薩爲彌陀之般若門故是以舉身光明說爲智惠名以無邊其所顯現純一果海而非九界與觀音大悲門現五道色相自不相同下文云無碍光佛ノミコトニハ等隨行座處周徧震動者念佛三昧廣大金剛威猛勢力斷疑生信一切無明破滿一切志願故其令離三途得無上力者念佛三昧之妙果頓斷五道得如來十力者也若大經所言修菩薩行者意指聞名當知二士同從一念佛三昧出無二而二分張二用權實有別夫三尊同乘第十七願而觀音之于二十二願勢

至不動與彌陀仍在十七願者也據其接誘則施權有功文殊所以抑勢至歎觀音之方便也若據終歸則唯在顯實今所以特讚勢至也和讚等トハ此下八首義有兩向謂望之於上則以往昔所值佛助顯大經讚久遠實成若望之於下則以勢至生後七祖助顯三經中逆次後大經者取兩向義便也今立題與下結示並從向後意也

二讚文二一略標二廣顯今初

勢至念佛圓通シテ經中阿難問結解之由於是十方微塵世界如來各有寶光從頂上出來祇陀林灌我釋迦牟尼尊頂異口同音告阿難言令汝結縛亦令解脫唯是汝六根已六根者於十八界中舉一兼二夫根塵與識總昰阿陀那識所現阿陀那識爲諸法之根本背本逐末者二障生焉二執起焉永沈六道不能出離故以六根爲結根也若夫亡末温本於根塵

識了達唯心則人空法空俱空亦空本覺圓明顯現故以六根爲安樂解脫之元由是故當知結解同源縛脫無二云云廣說要之不過說與三界唯心心外無法一眞法界是名金剛王寶覺如幻三摩地是如來內證秘密莊嚴卽首楞嚴定也阿難問已更問修入方便然入三摩地者根性非一方便隨異如來命無學大羅漢及諸大菩薩令說修證方便二十五聖各說證門乃有二十五門二十五門攝則十八十八界法一々爲方便能入圓通故諸聖說已便更命文殊令選擇之而爲阿難及此界人故文殊擇取觀音從耳根門入三摩提焉斯其大意也勢至二十五中第二十四依大歸性有七中是爲其第七卽自根天人者今則異乎彼開秘密顯實義故念佛圓通シテトハ言由念佛以證圓通也曰圓通者圓滿通謂融通解脫圓滿無結不除故卽所云無生忍也其念佛者謂攝諸根不馳塵境淨念

相續憶佛不已文殊辨云諸行是無常念性元生滅因果今殊感云何得圓通卽是自力觀念念佛全非今意下文云智惠念佛故今念佛正指選擇本願稱名行文類云稱名能破衆生一切無明能滿衆生一切志願稱名則是最勝眞妙正業正業則是念佛念佛則是南無阿彌陀佛南無阿彌陀佛卽是正念也可知夫破闇滿願元是法躰自爾功德故論註云彼無碍光如來名号能破衆生一切無明能滿衆生一切志願卽是無碍光如來願力全此法躰衆生能行斯謂稱名稱名卽行名願力也行名願力名爲正業非助業也行名願力之行超出一切觀念等表斯爲眞宗念佛然此能行全法躰起則所謂破滿法躰所成能行無功故云念佛則是南無阿彌陀佛下文云智惠念佛者揀自力但行彼不了佛智不能生信尙是福德功德攝選擇本願念佛佛智爲躰如實修行相應者了達佛智此行卽信故

云智惠念佛此是阿彌陀如來隨自意法得大勢至從如來般若門出執持此法迹作七祖宣揚流傳化文類云四依弘經大士三朝淨土宗師開眞宗念佛導濁世邪僞斯之謂也歸此念佛者雖未證圓通必入圓通何以故於無上菩提得不退轉故

二廣顯二一依經讚述二結勸報恩初中三一叙啓白儀

二明值佛稟教三以昔自行釋今化他今初

五十二菩薩モロトモニ止教主世尊ニマウサシム 經曰大勢至

法王子與其同倫五十二菩薩卽從座起頂禮佛足而白佛言

五十二菩薩トハ蓋是共值超日月光同從念佛入者故經言

同倫也座ヨリタナトハ長水疏一下紙十云云文如上首書引佛足

頂禮トハ大論紙十二云人身中第一貴者頭五情所著而最

在上故足第一賤履不淨處最在下故是故以所貴禮所賤貴

重供養故復次有下中上禮下者揖中者跪上者稽首頭面禮

故 足是上供養教主世尊トハ釋迦善逝娑婆世界教化之本主

二明值佛稟教二一明所值佛二明稟受教今初

往昔恒河沙劫ニ止超日月光トマウシケル 經曰我憶往昔

恒河沙劫有佛出世名無量光十二如來相繼一劫其最後佛
名超日月光正依大本歎阿彌陀如來光明有十二名彼與今
十二如來靈芝元照爲一以其初後二名相同也北禪大佑爲
異以已滅現在彼此相別也讚主之於二家之說蓋無朋執文
意云ユノ報身ヨリ應化等ノ無量無數ノ身チアラハシテ微塵世界
ニ無碍ノ智慧光ヲハナメシメタマフユヘニ盡十方無碍光佛トマフ
ス等讚主大師以智願海法門眼觀見十方三世平等一味無
別佛當心唯是一阿彌陀如來何以故枝末應化從根本報身
起以根本收枝末無枝末非根本者故起應化也因緣無量有

同名者如今十二如來及小經中能讚無量壽佛等有異名者
如餘諸佛及今番迦耶應現釋迦等則現有今昔而名雖同異
應化則一今於應化中別出古昔同名者意就世略悉檀助顯
彌陀成道久遠以令一類易解故既曰往昔等顯非現在與靈
芝爲卽大本彌陀者別而意以本收末助顯彌陀成道久遠亦
是不同北禪之永相隔別至正像末讚據收已亡末者直云無
碍光佛也

二明稟受教二一標法二釋義今初

超日月光ノ身ニハ念佛三昧ヲシヘケル 經言彼佛教我念
佛三昧コノ身トハ經言我勢至自指詞念佛三昧トハ觀經而
處說此目然諸經論中云念佛者多是觀佛之異稱如念佛三
昧經觀佛三昧經十住論念佛品等楞嚴亦同若如觀經念佛
之目義通觀稱謂心緣其事取相貌是念不取相貌但持名亦

念故如像觀終及真身觀結成即謂觀佛若真身觀念佛眾生
稱名行者也安樂集云念佛者並通觀稱要集亦然唯終南疏
以念別觀開兩三昧以對二教稱名念佛為弘願之宗致若依
文釋義中不為以宗害說乃兩處念佛三昧皆以觀佛釋之就
其攝取念佛方顯開稱名大益結云廣顯念佛三昧竟黑谷承
之制作選擇集明念佛與義讚主則曰稱名即正業正業即念
佛等雖然諸祖時有異同正意無別謂一稱名故曰開示真宗
念佛導濁世邪偽三昧亦曰三摩提遠公曰本是一名傳之音
異新翻經論則曰三摩地大論廿三二十云一切禪定攝心皆
名為三摩提秦言正心行處是心從無始世來常曲不端得是
正心行處則端直譬如蛇行常曲入竹筒中則直般舟讚云言
三昧者亦是西國語此翻名為定大乘義章十三初法華詳疏
二二十止觀弘決二之一二法華立贊二二十立應音義三初
九紙

瑜伽略纂五初等亦辨名義須者往披然今念佛三昧者以正
依經意開顯彼楞嚴彼則行者自力觀念念佛此則彌陀選擇
本願所建他力不思議大行永超異乎諸經所說乃有深厚善
根眾生如實信行如來名願力為彼光明攝取獲得三緣廣大
利益現生住正定聚當來必至滅度其旨如定善義中釋決定
鈔云念佛三昧トイフハ報佛彌陀ノ大悲ノ願行ハモトヨリマヨヒ
ノ救生ノ心想ノウチニイリタマヘリシラスシテ佛躰ヨリ機法一躰ノ
南無阿彌陀佛ノ正覺ニ成シタマウコトナリト信知スルナリ良以願
力名号是如來奢摩他寂靜德故雖曰散亂眾生自然成就三
昧也問如觀念法門所明念佛三昧法方嚴重尋常情夫如何
得堪答彼則假般舟經以制立入道場法自是一種作法其實
時處不論是非四儀無有通塞一切得行是佛願正意故如辨
正業中

二釋義二一釋念佛二辨得念益今初

十方ノ如來ハ衆生ヲ止衆生佛ヲ憶スレハ
一人專憶一人專忘如是二人若逢不逢或見非見二人相憶
二憶念深如是乃至從生至生同於形影不相乖異十方如來
憐念衆生如母憶子若子逃逝雖憶何爲子若憶母如母憶時
母子歷生不相違遠若衆生心憶佛念佛現前當來必定見佛
去佛不遠不假方便自得心開此中四句前半明念佛躰後半
明念佛心十方ノ如來トハ經以通總說今則意指本願成就
盡十方無碍光如來衆生等トハ無碍光如來大慈大悲不爲
衆生煩惱惡業罣碍能破無明黑闇攝取不捨故斯則如來所
成願力名号斯爲念佛之躰也子ノ等トハ憶謂憶念或爲行
文類聚鈔云稱名卽憶念憶念卽念佛等或爲信々文類云淳
心卽憶念憶念卽是眞實一心文意云如上已引今則從其

爲信者所云念佛三昧者以此信心稱念名号也化文類云稱
念佛名離自力之心謂唯是仰彼願力毫末不存機功是故終
日稱念不見稱念之相斯謂之不行而行如實修行與自力策
勵念佛永相異也

二辨得益二一見佛

現前當來トナカラス如來ヲ拜見ウタカハス
ナカラス等トハ得念佛三昧時卽見佛故然念佛行者心見佛心
未必求眼見佛身相貌如大論十八紙二云如讚般若波羅密偈
言般若波羅密實相不顛倒念想觀已除言語法亦滅無量衆
罪除清淨心常一如是尊妙人則能見般若如虛空無染無戲
無文字若能如是觀是卽爲見佛又十一紙五云如佛在忉利天
夏安居受歲已還下閻浮提爾時須菩提於石窟中住自思惟
佛從忉利天來下我當至佛所耶不至佛所耶又念言佛常說

若人以智慧眼觀佛法身則爲見佛中最是時以佛從初利天下故閻浮提中四部衆集諸天見人々亦見天座中有佛及轉輪聖王諸天大衆々會莊嚴先未曾有須菩提心念今此大衆雖復殊特勢不久停磨滅之法皆歸無常因此無常觀之初門悉知諸法空無有實作是觀時即得道證爾時一切衆人皆欲求先見佛禮敬供養有華色比丘尼欲除女名之惡便化爲轉輪聖王及七寶千子衆人見之皆避座起去化王到佛所已還復本身爲比丘尼最初禮佛是時佛告比丘尼非汝初禮須菩提最初禮我所以者何須菩提觀諸法空是爲見佛法身得眞供養供養中最非以致敬生身爲供養也今亦應知彌陀如來平等無緣大慈大悲願力以攝衆生此其超世極處所以碩異乎諸佛也念佛行者發軔先知之斯爲眞見佛雖未見色身而未見愈于已見何以故相應本願躋得佛智故方便行者迷倒

自迂勉強以見色身以見色身漸而亦見佛心經言以見佛身故亦見佛心佛心者大慈悲是以無緣慈攝諸衆生佛心者即上文念佛衆生攝取不捨由觀門方便而知唯有念佛蒙光照悔責先所勉強者舍見同乎不見歸入佛心也念佛行者中自有一類亦觀見色身而不同方便行者謂先知佛心而後觀見故此見相同餘諸不見不復爲認之如終南橫川黑谷等於戲下劣吾人得與彼上聖大士共優游于弘願海中不亦樂乎當來トナカラス等トハ難思議往生即見佛故經說化生云云初祖曰華開即見佛二祖曰即見彼佛等

二得佛功德

染香人ノソノ身ニハ止香光莊嚴トマフスナル 經言如染香人身有香氣此則名曰香光莊嚴染香人トハ念佛行者喻染香人弘願信行謂染如來功德比香無碍能消一切世間煩惱惡

業臭穢故香氣等トハ喻行者滿足功德大寶海觀佛三昧經
 第一觀地品佛觀父王念佛說栴檀消伊蘭林同喻如安樂集
 引又北本涅槃廿十五紙南本十八十五紙阿闍世王領解云云如信文類引
 香光莊嚴トハ古鈔解香比功德光况智慧非矣經文唯舉一
 種香喻至此豈挿入別物哉或曰香喻光法以香比攝取光明
 也此亦不然不順經文故今謂光謂光彩秘醇馨烈香之華彩
 故云香光香光轉染令身可觀故云香光莊嚴通就喻立名也
 三以昔自行釋今化他

ワレモト因時ニアリントキ止淨土ニ皈セシムルナリ

經言我本

因地以念佛心入無生忍今於此界攝念佛人歸於淨土因地
 トハ自今呼往之言對入無生忍為果故亦是勢至果後菩薩
 據實以望故無生忍トハ即入圓通也無生忍者具云無生法
 忍亦云不起法忍亦云法平等忍諸法實相常時寂滅故云無

生智照觀遠安住不動故云忍也

初祖曰初忍後名智鹿者忍細者智

屬因智勝屬果大乘不二但忍受盛微

法藏曰此忍以智為性若小乘忍劣

約用分之數曰初祖之說蓋隨轉已廣解如大論五十四紙六二十一紙十五二十二紙

初紙至廿二紙五十六紙五十三九十九紙七十三十六紙七十七十四紙八十六五紙八十八

等大本說三忍是其第三仁王說五忍是其第四通釋諸忍

如大論五十三紙六二十一紙十四十一紙十五初紙七十二廿三紙八十一十九紙

八十七五紙大乘義章十一二十一紙法華玄義五上三十紙淨名台

疏一四十紙仁王台疏三十四紙同祥疏三二紙探玄記十五十一紙等須

披討焉然據宗意義有通別兩途言通途者名義如上約位言

之遠公曰無生忍者通亦遍在別則不定如菴樹說初地已上

亦得無生若依仁王及與地經無生在於七八九地下在七地

始習無生中在八地成就無生上在九地無生忍滿淨土之菩

薩具有三賢十地等階位非一其所得忍與諸經說隨應相同

大本言其鈍根者成就二忍其利根者得不可計無生法忍若

准通者應曰皆得准大論等則應曰初地已上准仁王等則應曰上地所得唯是果後示現廣略相入全無生忍即上寂滅忍淨名台疏云在因讓果說名無生若通論無生只是寂滅之異名也故大經云涅槃不生樂言不滅不生不滅名大涅槃故云法本不生今則無滅是寂滅義名然者寂滅即是此則安養之真證斯為異也其別途者所云念佛無生何所疑也

此則安養之真證斯為異也其別途者所云念佛之心本願名号是無生法信受名号名無生忍即是韋提所得者亦名信喜悟等勢至之因時得此別途門由以證常途果謂之入無生忍イマコノ等トハ菩薩以自所得法以度有緣自所得法者由念佛三昧因證入圓通果也受化眾生念佛成佛者即得勢至之因果也矣

三結勸報恩

大勢至菩薩ノ大恩フカク報スヘシ 望溟記問答云云叙曰此義稍如解小經讚中至下終南讚當更辨也

三結示一一正結

已上大勢至菩薩

二引述示本

源空聖人御本地也 始自南天以至黑谷皆通傳持勢至所得念佛如向引化身土文類當知其實七祖皆以勢至為本地焉而今特就黑谷指示者蓋是且依其事顯著人多知者也首書引或記云々傳曰大師聖人スナハテ勢至ノ化身意則舉後例前顯通是七祖之本地以生第二帖也

三帖和讚觀海篇第四終

明治三十年四月二十六日 印刷
明治三十年四月三十日 發行



編纂兼發行人 是山 惠 覺

廣島縣備後國世羅郡
東大田村大字寺町八番地

印刷者 內海 以 直

廣島縣世羅郡甲山村字甲山
百十貳番邸 內海後彌堂

發行所 光 宣 寮

廣島縣備後國世羅郡
東大田村大字寺町八番地

發賣所

京都市油小路北小路上

京都市油小路花屋町上

興教書院
顯道書院

